

元始說先天道德經註解序

此經故宋息齋先生李君嘉謀隨章爲之解板行西蜀蓋有年數至寶祐間天館子謝公圖南爲序而傳則蜀本已不存矣初公宦游嶺表卽蒐訪是經乃得於方外一蜀士之手猶獲至寶比來西浙袖以見觀文殿大學士可齋李公會伯卽慨然爲授之嘉興道士李君可久募工錢梓以傳又得所謂八威龍文亦出先天向異人所授者併刻之以爲世之全書時觀文公提舉洞霄宮亦爲序大抵率循謝公所序指爲道經之敷落五篇謂其成文敷布於碧落之中非人所能爲者然二公當時惜皆承訛而踵誤耳今按

道藏輯要

先天道德經

一 氏集二

元始天尊安鎮敷落五篇真符與文皆若吾徒相傳所爲符篆繇隨烝以結成者一爲明炁二爲太丹三爲黃真四爲素威五爲玄精如是而已此

元始所說妙元神真道五篇篇各有章章章爲言合爲五千與吾

老子道德五千並傳于世殊於敷落無所涉也吳郡癸復道人雷所張善淵因獲其本謹復募緣錢梓以傳輒贅辭經題之次者惟以喻開卷之未喻者知非爲敷落篇云